

武甯縣志卷之四十四

武甯縣知縣 粵東何慶



軼事

山川曠盈今古遼博孰竟其藏孰啓其鑰石室蘭臺紛
焉研索耳治目收鴻纖互託意在勸懲亦莊亦諢夷堅
諧臯微煩取約是日說家義類炳灼做帚適用雞肋堪
嚼瓊碎紛靡治而不削廣彼前聞毋傷穿鑿志軼事
伊叟秦時人避地武甯山中嘗於石湫拾一卵大可數升
五色晶瑩異而伏焉歲餘產一龍僅尺許鱗角差具養
之湫中甚馴狎後叟死鄉人痊之宅左此龍盤旋墓道
狀若悲感是夕風雨大作湧溪石爲叟成墳而去其石
壘嵌甚固至今馬鬣若新

武甯縣志

卷四十四

軼事

四百四

按袁州府志盧肇記唐時有溫媪者經程溪得巨卵
藏於家生七龍放之江媪或至江口龍輒獻嘉魚媪
死塋程溪水衝擊一夕雷雨遷之高岡鄉人因爲立
祠額曰孝通廟事與伊叟相類伊叟墓石壘嵌甚固
尤爲奇特

修水源出甯州西鄉黃龍山東南經州治又東經武甯縣
治東北流數百里至海昏又東流百餘里入彭蠡湖郭
璞記云有水名修有魚名儵天下有事此地無愛言可
避亂也儵魚狀似青魚廣首長唇味極甘雋而脣尤美
然至建昌炭婦河則絕無矣

縣東南八十里有山其峰高聳夭矯如龍世傳漢末爲孫
鍾種瓜之所瓜美有三仙造訪輒遺以瓜鍾母死未塋

三仙感其惠復來謂曰承公厚意今爲公母傳善地惟公採焉再世三世必大貴鍾唯唯回視三仙化爲白鶴飛去遂塋母於此後生子堅靈帝時爲長沙太守封烏程侯堅生策建安三年爲討逆將軍封吳侯策弟權稱吳王尋稱帝位傳六世因號此山曰吳王峰墓曰吳王墓

縣署南三十步有腰帶水源出神童山爲縣脉西界水從西門入江明宏治間水衝決經臥象橋穿縣治入修江嘉靖間知縣唐牧障復故道尋決崇禎間知縣寇可教仍行障復

國初知縣任天祚改入縣治繞至東水關入江識云水繞縣前流官清百姓柔威豐四年邑有寇警塞東西水關

武甯縣志

卷四十四

軼事

二

四百四十四

以資扞禦同治四年復開八年鳩工繕城水關增置石闢焉

宋時車翁者厚貲產無子以其貲委壻就養久之壻漸厭薄遂還家抵暮至其莊莊人訝之詢其由壻曰翁視聽未衰尚可圖後盍歸而納妾莊人徐姓有女及笄而未字向德翁卽於是夕以女侍焉時翁年七十後單生三胎孿生三胎翁姬各得年九十餘構樓屋九區分住九子至今稱九樓車氏云

瀧溪荷墩有宦塚相傳徐尚書墓土人發壙得銀簾古鏡其鏡陰有湖州真石家念二叔照子十字字如粟大徑圍可茶盃許古意瑩瑩然不知何代物也簾織以銀絲絲細如髮工緻精密化之得四十八銖

伊山石湫中產龍鱗首有角鬣隆準豐脣悉如龍形每以秋分前後隨水湧出委積無算沿溪居民用簣畚羅取有得數斛者鮮烹乾脯味皆甘美過此數夕卽不可得遂相傳爲龍鱗云

武甯山壑深廣屢有蛟患每春夏蛟發輒水雹大作溪水溢溢冲决田土甚則漂沒廬舍人畜其害猝至莫可逃避

黃山谷外集崇甯元年書蔡秀才屏風頌四首有曰武甯縣中蔡老子能碁能酒又能詩胸中百萬多羅織不向人間說是非又曰接人高下但唯唯又曰此翁家世印纍纍常時不書秀才名字玩其語意蓋亦遺世棄俗之流且其家多官籍及稽武甯蔡氏譜宋代人物無一有者卽秀才之名亦不得知古人湮沒無傳何可勝道其頌辭頗屬率意今不備載

龍潭清影四字舊志載黃山谷書鑄於石上今石壁存者唯曲江謝存理篆有龍潭二字向東相傳山谷所書四字臨潭向南沉水不可見有捕魚者識其字或水涸甚時俯窺之隱隱有字跡云

坊市陳以經字元常建書屋於東南城外夏堰寺旁會文者衆以城門啟閉有時雜選不一請開東濟門門高八尺廣三尺今塞遺跡尙存

三聖廟都司線坦建其初分建於營署之左右祀關聖馬王火神坦到任謁廟蹙然曰此非所以安神靈也宜速更之坦出入過廟欠伸起敬一日自建昌道中挽舟上

忽有聲如雷柁陷不得脫泐者沒者自下曳之則大木浮出凡十二株堅好如新坦喜曰神賜也再拜稽首遂運歸以建斯廟楹柱悉給焉廟在署外見祀秩

昇仁鄉冷珪珪十歲遭亂德祐乙亥元平章饗典亦得之愛甚命次夫人金蓮養以爲子平章被謫籍沒珪力明其非罪得全乃歸省生母至元壬辰率族黨重創義門饗典亦爲請諸朝命學士李溥書冷氏義門旌之義門蓋其先代所有也

元至正上南鄉芭蕉寺貢花木瓜入宮后秘愛枕之傷其首上震怒詔廢其寺禍及諸宮觀見玉清碑記其地至今曰芭蕉故老猶傳其逸事云

元至正末石市熊姓聚族甚盛其鄰人某兄弟有膂力以武甯縣志

卷四十四

軼事

四

四百九十一

析薪自給一日大雪熊有富人置酒樓上集子弟吟賞鄰人曳敗絮負薪過樓下熊見之憐其寒命僮召至與之卮酒且笑曰若兄弟身長七八尺而不免饑寒是泥牛耳鄰恚甚挾竿往見胡紹遠紹遠壯之署爲首領除夕率數百人圍熊氏宅夜半舉火焚殺一空獨新婦葉氏有五月孕時正歸甯產子伯雅遂依母家辟纘養子後鄰人兄弟死於兵始歸而復其先業石市之熊皆伯雅後也於戲一言之肆禍及宗親而伯雅母子卒以節孝大其族天與善人豈不信哉

長墅原虎亂有孫日棟者曰吾聞人受虎殺則爲佺鬼每導虎行虎擒人佺剥衣以待虎食遇有機陷引虎避之佺何愚甚若虎噬我我必爲厲鬼以報越日其人竟爲

虎害妻啼於室曰某地有機子有靈當圖之是夕虎果斃於機

熊埠灣李氏巖頭楊氏皆善格虎其敵虎之器戈矛外有鐵涼傘每遇虎張口搏噬則以傘投入虎口反拽之傘張不得脫挺刃而前若殺羊豕又有李五叔者尤能測虎進退刃無虛發前後手斃十三虎又獨殺二虎倒曳而歸其人形體短小又接物甚醜謹不類猛士云

石市民唐姓者抱養一媳年十一生一子十三又生一子自後絕不復孕又龍石黎氏婦年五十六舉一子皆康熙初年事

南鄉葉生某赴省試行至靖安遇雨借宿一農家兄弟皆客外姒姊二人守室其姊堅不允留姒重客文士又日

武甯縣志

卷四

軼事

五

四百六十一

暮無投足處強止之令宿於堂且命其子從客授句讀夜半雨益猛葉生臥一長几心煩不得寐起坐几上俯視地忽裂一縫深數中有光二炬大如盤火燄迸出生大恐急呼其家走避不聽破壁而入挾其子登山母亦隨出轉瞬雷電轟繞室已成澤明日有自下流來者言其姊竟死於水云

邑舊有跳神之俗其爲神所憑依者曰馬脚亦曰降童民家迎神童必從巫誦咒作法童則顛頓騰躍起作神語決人疾病禍福鄉民多聽命焉凡神擇人而降衆召巫作醮事令舊巫傳法於新降者鳴鉦擊鼓一村若狂謂之駕馬脚乾隆丙辰東門外有神降於人巫者侈其事衆益奔走相與設壇演決邑令吳使尉夜往偵之至則

燭燎煌煌巫仗劍指揮降童方赤足踏火甌觀者如堵
尉卽輒上鎖降童并逮巫就理自是跳神之風息矣
明成化間邑人高希仁有贈宛平主簿石鏜詩云舊山松
竹深開逕滿甕蒲萄暖泛春留得洛中風韻在我來何
日接芳隣時高君亦在京師玩其詩詞襟懷亦自灑落
而平生行實里居皆不可考矣鏜字大字田坑人
嚴陽山有石筍高十餘丈又有石柱高丈許大徑數尺其
上疊石十三條皆方長丈餘琢磨端好俗稱掇石云是
善信尊者所疊然亦不知其何故也

梅岷夏銘明成化間入宮侍讀日親近上篤愛之銘性忠
鯁不爲阿媚有古巷伯風歷事三朝恩寵備至及沒勅
賜國葬其棺由巾口入小河不克進相傳水驟漲遂達

武甯縣志

卷四十四

軼事

六

五百〇十

墓所嘉靖勅文其姪指揮依禮奏疏石刻猶存墓上明
季流賊利墓中所有甫啟石雷電交作乃止

縣署內祠王夫人靈爽甚著萬厯間一商載重貨行至三
硤灘半猝遇暴風帆檣顛覆獨商舟獲濟其夕商夢二
青鬢召至一所庭宇巍峻一冠帔貴人上坐命之曰以
汝有陰德於人故得免此大阨當力爲善毋自暴棄商
拜謝退旣出回視門上署額乃勅建王夫人祠六字
昇仁鄉余登瀛工詩文由萬厯副榜轉天啟間貢自恨未
登賢書賻志以歿歿後數月族人某暴死復甦云到一
處村落人烟身所未厯中途遇登瀛握手慰勞如平生
有頃鬢蹙曰此間非汝所宜至可速歸取旁徑送之且
貽其姪庠生復亨註云一榻松風下茫茫萬里山秋雲

看世事榮落不相關族人業農不通韻語非能造作此
訛者語畢復沒

安樂鄉松墅李元德生平不治產年五十操器出門開治
要路境中紫鹿青牛兩處最險隘元德獨力平之三十
年未嘗輟每攜寒具止宿巖中有虎當巖坐相忘也又
嘗於峽要上開鑿峭石石發傷其足剝甚風雨尤莽然
治路不少休七十九時遇葛巾褐衣者於道曰明年元
旦來已若剝至期道人先在出葫蘆中一杯飲之剝良
已或以爲神賜云元德死其子愛青踵之有父風

武甯向屬巨邑編鄉二十唐李異奏分武甯西八鄉爲分
甯南唐時復割縣南地以益靖安後併昇義入昇仁鄉
此九鄉所由昉也分甯爲縣爲州沿革不一與武甯均

武甯縣志

卷四十四

軼事

七

四百十九

隸南昌修水發源甯州沿流至武甯及建昌一水襟帶
夾兩郡而滙左蠡雍正年間有以甯州轄武甯書上各
憲邑廩生盛世麟監生張邈夫等力爭之懇吳令申詳
事遂寢

紫姑仙乩仙也降筆言休咎至後始驗所爲詩詞皆奇雋
可喜每盛宜仙禱之輒應宜仙死仙遂去乾隆壬午復
降屏山盛氏有仙曰青湘子松風子及鶴亭閑道與學
士談詩文酬唱甚盛後名仙頗多或懸筆作大字蒼古
勁逸迥出塵表求者隨時直書多名言格句足備箴銘
又教人行善事及修煉養靈之法然必得庠生黃雲嶠
至始降亦大異也

西關有四望龍潭諸勝蹟登臨者往往流連不舍乾隆癸

未後自大小西門至南門平砂細石隱隱一線越數年如練又數年大石小石磊砢沙際遂成新洲縱橫約千畝環抱縣治河水繞南岬如帶人以爲地脉之靈云

按盛孝廉牧南渡新洲原唱地勢滄桑變天然一小洲沙痕纔映雪水氣尙涵秋賈客喧中渡河源繞外流垂綸思往事閒坐待漁舟此一徵也因附錄之

八都石言出身行伍白頭兵寇武甯城言奮力當先斬獲甚衆都統朱奇其勇委令開路所至有功嗣撫軍董克復銅鼓言隨營戮力報功授本營把總見秩官志

鐘鼎山有丹曰在黃婆洞最深僻處長二尺許廣尺可搗藥又玉清宮旁有丹井圈跡世傳玉清丹岬卽此舊志僞撰呂巖詩問我身從何處去蓬萊頂上會神仙大可

武甯縣志

卷四十四

軼事

八

五百四十一

噴飯宮中道士鐫之石壁盛于莖戲題石壁云我來汲取仙泉水濺盡千年石上羞

舊志豫甯八景最無稽曰甘羅故居新志作唐宋時甘羅二姓者近是次之三袂怪石事涉荒唐抑有何佳致而列於八景耶且諸詩皆鄙俚識者嗤之新志概芟易以山水雜詠較爲大方然八景之說自京師至府州縣往往見諸吟咏何也若以鄭郊草堂配柳渾精舍風流宛在他如玉枕清風鶴橋明月鍾陵瓜圃伊洞龍鰈至今相沿不替而意興所之尋芳步勝則又有南浦漁歌東林收笛足爲風雩浴沂者助也復軒盛學鬯云

太平山嘗宿重雲好事者于雲深處置缶貯盈以帑封固挈之下山出酒席間刺其孔雲裊竄而上縈蕩竟日不

散又山高寒積雪至五六尺彌月不能行康熙間有道人至宮中赤足趺坐閉目不食數日忽失所在蓋遊仙也

破石日休堂不知建自何人何代鄉里醵金構義塾卜地於石湖之南得古碑橫額有日休堂三大字其下小字多漫滅可識惟詩書種子才之難若此八年長至樸村十五字而已舉義者同村盧全萬王孔煒孟權孟元文乾梅良珩六人云

盛西園名林讀書能文屢應童子試不售以過勞得痰疾嘗於舟中作詩云同人鼾睡一燈孤月上篷牕獨照吾灘水秋來知已淺病愁深結繫蓬蘆竟以痰疾卒示此云當年遺恨一抔孤雲水蒼茫孰故吾秋柳春花常過眼祇愁依樣畫葫蘆後其孫時珍質敏異早年入學亦不永其年邑人惜焉

武甯縣志

卷四十四

軼事

九

南鄉石門山石罅中有桃樹一株僅數尺枝條蟠結如蓋花實甚繁相傳自然真人章權孫手植土人取實種時百顆不得一苗亦異事也

樹德堂坊市張機宅明益王筆跡書法古勁至今歸然宗裔庠生廷懋及弟廷楷居焉懋伯仲友愛怡怡一堂擁書自娛塵囂不染嘗顧謂諸子曰吾家典型尙在也爾曹勉旃又嘗構異方治人痰核多奇驗製藥施濟一無所取遠近德之楷子鳳英曾勲俱弱冠補弟子員

香雪亭在縣尉署西董永錫建邑令鄒應元題舊有古梅一株大可數尺圍亭亭如蓋冬春間梅花盛放飲酒賦

詩其下雅韻幽香徐徐入座間尉族董作棟少負才名自浙來署與邑中知名士吟哦亭上流連不去作棟號幹夫戊戌成進士

柳山陰有月嶺修行而平明末張秀才穀嘗於此疊石成陣以禦寇穀遇異人授陰符秘書考象驗事洞鑿不爽往往假黃冠出遊方外後人因名嶺曰疊陣嶺

新豐寺有銅佛高丈餘廣六尺佛陰字刻載一萬八千斤明成化六年萬宗澹熊伏瓚諸人助鑄

甲申流寇充斥大隊屯魯溪舉村逃匿穴洞其資橐薄者散伏林莽間游騎四掠殘暴不堪路經拖兜洞劉姓丁壯悉力攻之發檀砲殲十餘騎寇奔駭哨聚一時蜂起雲集凡穴處者莫不避鋒深入賊愈忿折屋材縛衣絮

武甯縣志

卷四志

軼事

十

四百九十三

聚糠粟穴口委積如邱環以風車鼓烟焰以薰灼之凡山有十餘穴穴所容多者二三百人少亦百十餘人莫有生者時劉氏八十人潛瑤門洞洞門窄徑二三尺許計以水綿塞之可禦而賊攻之且速劉璇甫及門輒冒烟而死延兩日夜火燼賊解劉璣以外巡得免尋至洞門得其兄璇尸復入越大石門丈許燭之惟大士座燈殘若螢欲滅不滅急張以火見祖母在大士座前父抱其左母抱其右環膝壯幼十餘輩昏迷如睡莫能語急予以湯方甦遍閱其餘爪禿髮結額破血流者得湯亦生徐問以故云穴烟大入氣鬱逆觸土著崖彼此衝擊不能已唯大士座前勢小殺不覺其慘云

流寇之亂有渠魁者以殺人爲戲日驅童子分跪道左每

殺一童取刀插其前渠躍舞良久拔刀取首首落大笑以次相及無有生者最後一童度必死不如轉弒伺渠舞時急拔所插刀砍渠足斷而仆遂疾趨得免諸寇見之皆拍掌聚笑云

巾村李氏枕碧山上有七人墓相傳順治元年同鄉人擊自成餘黨不克死之因纍瘞於此山三面枕池松櫟陰森至今猶英風凜凜云

江陰鄉鳳口鹿頂廟側有古樟二株高十餘丈圍廣丈餘枝柯俯仰交映有雌雄狀客有將二百金圖此樹者夜夢神人謂曰予安此地久矣汝何故見害明晨客攜匠往忽雷雨交作鋸斧不能施及霽得殘石鏤有公母樹三字遂止至今爲潘氏公蓄

武甯縣志

卷四內

軼事

十一

四百七十五

王夫人祠在縣署內東偏正德間奉勅建者時華林賊猖獗官軍莫能制知縣毛丕功夢夫人授以方略明日臨陣又見夫人冠帔行空中羽扇指揮賊遂大敗旣奏凱以其事聞遂予廟祀數百年來屢徵靈異順治甲午春祠下產芝三本秋闈中式者三人

邑人姓婁者康熙初年賈廣西欲至舖家索負五更起出門天尙黑忽見前路白光如日謂天已曙矣前行見一亭過亭復有一橋度橋入黑洞中不復辨去向但覺腥穢特甚水如潮湧將身滾出於外昏迷不省俄而天曉漸甦見大蛇尾如山迴旋而去身尙偃臥不能動行人見之詢知其故昇歸至家身已腐爛歲餘方平復滿身蛻殼膚如蛇皮矣錢塘徐子靜爲奉新羅坊巡檢在南

昌見其人自言如此

江陰鄉父子操舟者泊舟河灣天雨雪將暮有麗人倚舟泣曰妾爲姑逐無所歸對旣有母家幸假舟渡以全妾命操舟者憐而渡之泊旣雪益盛促之去麗人又泣曰母家山下距此三四里寒夜一婦人難行乞舟頭坐一夕舟父不可麗人哀婉嫵媚有餘妍其子心動姑止之夜與其子歡狎黎明竟踏雪去已而見雪上有女跡微露蹄影其子循迹逶迤行數里至山上遇實跡滅審視則一狐熟寐實中遂擊斃之

瞿梁石路陡峻下臨仙人潭有岬高數丈橫亘畝許向鑿小磴通往來每遇陰雨積雪行者自岬返邑人李啟喬費數百緡修治凡八閱月剗削未及三之一忽晝晦諸

武甯縣志

卷四十四

軼事

十一

四百三十六

工登高鑿險聞空中人語曰走走俄而雷雨交作潭水沸騰工倉忙趨避而懸岬崩裂遂成坦道人以爲有神助云

汪指揮不知何許人其年代亦不可考康熙間順義鄉人附墓穿穴得寶視之則見土室高廣方丈磚石四周中有石几列盤盞作供狀其盤盞皆古瓷器也

康熙戊辰南鄉陽坊田中崩出元至元間墓碑額篆陳孺人王氏壙銘七字其文有慮夫滄桑遷變仁人君子見而掩之所深望焉謹爲之銘志諸幽之語里人遂爲封識

昇仁鄉汪惟玉時年踰五十無子然好善益篤里有石橋自鳴三日而傾汪欲重修囊中又無多金因求助於人

以襄不逮時某某許之汪喜曰橋可成矣後碑紀名爭主修某竟分文不出汪售物產給工去越歲汪竟舉二子蓋亦爲善之報云

宋進士楊友龍有手卷畫三百餘人皆同榜進士每人胸間註其地里姓名冠服井然康熙中嫡裔持以質穀有覽其圖者云楊進士貌豐潤微鬚年可三十餘以見宋時士氣之盛留傳數百年其意象尙可憶念也

鄭山人蓮池或曰西郊四望山下或曰縣東看鶴橋側今呼荷花塘是也黃魯直過草堂詩曰開徑老禪來煮茗老禪謂延恩師法安又曰還尋密竹逕中歸則知草堂於寺不甚遠也延恩寺舊志載在尊賢坊蓮池似應屬縣西古人遺跡難考如此

武甯縣志

卷四十四

軼事

十三

四百七十一

武安山多勇健最著者曰彭鵠能腋兩笠飛離縣十五里頃刻往返山上皆稱爲鷓曰劉野猪黑面長牙首可觸千斤曰李拘騾力雄嘗乘騾策之不捷遂以杖荷騾而行若舉羽然曰盧虎吃叱如虎聲震山谷聞者股栗皆一時之豪盡殲於麻潭陣唯聶潮玉得免焉

康熙庚寅邑多虎患城東有貧家子兄弟二人往樵甫人山兄爲虎所得坐之臀下其弟年僅十二見兄呼號且哭且詈追至虎側奮力一砍正中其鼻虎斃而兄竟獲全咸以爲精誠所感有神助云

康熙丙申邑大水有徽商者吳姓遺其名載鹽五百餘泊武甯巾口繫船大樹下水益漲兩岫居民呼號乞命吳商聞之趣舟子往救舟人以裝重有難色商卽取鹽投

水中甫解纜其樹輒仆舟子感動併力度人全活甚眾
太學生王崑秀年四十餘無子夢一老人詔之曰馬鞍岡
上有三子盍往拾之既覺卽往其地聞茅舍中哭聲甚
哀詢之賣妻以償所負夫婦不忍別且泣且慙生心動
亟止之代償宿負且厚卹其家而去明年正月生婦舉
一子十二月又舉一子側室亦生一子一歲得三子竟
符所夢

潘士學少時讀書別墅與狐仙竹青遇久之益相親暱家
人怪其狀詢之學具以實告家人曰妖也當治之明日
竹青至謂士學曰家人謀治我耶今當別重會在江城
學詢後事曰兩廣仙旣去學怏怏失望計無所之遂遊
江城會金聲桓畔大兵圍城食盡主者將害之學心動

武甯縣志

卷四十四

軼事

十四

四百七十六

祝曰竹青救我須臾狂風大作仙攜學往墮軍營主帥
見而愛之視學如子攜之北上後以原姓名中順天鄉
試仕終湖廣廣濟知縣果如仙言其子姓遂歸旗焉學
爲潘儻後儻以進士官知州祀鄉賢祠

丙申大水甯州一女子坐床上泊楊柳灣手提囊金呼漁
舟求救漁人給令擲囊竟推其床泊浪去後得金構屋
立焚且顛沛死

雍正己酉七月中吳王峰頭雷電旋繞大雨如注空中見
火光激射莫測所以明日山下見一獸巨口方額體被
綠毛長丈許火氣氤氳不敢近蓋狻猊與龍鬪不勝墜死
土人坎而瘞之

北山嵯僧爾建病洪鶴齋往視之僧曰命盡今日卽治香

水澡浴跌坐四圍積薪命舉火合掌誦經而逝遂建塔
塔上有光達旦數月人以爲舍利云

雍正庚戌春石口熊氏厄痘疫村內半月殤三十三人競
傳痘神爲崇怪異多端舉村驚怖士人熊墨園作討痘
神檄其略云正直聰明曰神天地好生而乃戕滅生人
是邪昧物也不已吾將沈而於河其無悔時墨園一子
方歲餘覽者皆搖首吐舌妻泣涕諫止不聽亟取檄向
空中焚之其後疫遂寢同里痘童皆安好而墨園之子
竟未傳痘

雙嶠山溪水南流遶縣東門又西折永慶寺前與修水合
溪東南曰孟家灣地勢窪下或山水驟漲往往橫流入
灣民謠云水走孟家灣黎民逃上山蓋本形家水破巽

武甯縣志

卷四十四

軼事

五

四百五十二

方之說往者縣尹令鄉民挿楊楨以爲捍蔽歲久樹枯
其地漸爲民侵墾乾隆三年衆聲其事於邑令吳始清
出公地周植楓杞復蔚然成林矣

丞廳內署有香木瓜一株高數丈霜皮斑駁枝幹奇古花
似海棠而香甚清越結實雖繁然易飄墜秋颺起則枝
頭濯濯矣每遇解試之期邑人以果實去留占入數多
寡亦復奇驗

乾隆戊午大風雨雹大田鄔家有物吹落屋上雨霽取之
則牙笏也鄉人駭怖競傳爲龍王笏請巫禳祝投諸修
水

乾隆庚寅六月初二大雨平地水深丈餘漂沒昇仁鄉明
經周某及門人八鄉人數十委隣縣臨視賑恤有差

昇仁鄉有獵者夜夢一老人曰而能可相我及覺獵者怪之明午天晴耀獵者入山忽大雷雨避古樹下雷環繞其樹雨如注獵者驚怖雷益烈微窺樹中隱隱有物雷自上怒擊其中若有黑氣如霧上騰雷逡巡而退獵者祝曰必欲我相雨微殺乃可展力少頃雨漸細雷方奮擊獵者自樹縫中發藥黑氣不得上雷盡力一擊乃斃天大霽視之則一巨蜈蚣也

明經黃夢鶴之子名某讀書有膂力夜半已睡聞門外有聲啟門則虎已入半某當門力拒之室中妻子悸怖股栗乃疾呼曰起起時某左肩壓門右翼妻子登樓力將乏虎遂入室與虎相搏自室至堂家人益震駭某曰毋出吾可獨當搏之益力虎躍牆頭墮復鬪酣戰一夕虎疲由短牆遁去鄉人稱爲黃食虎云

武甯縣志

卷四十四

軼事

六

四百七十一

嚴陽山有猴攜子巢大樹上母中獵夫藥垂危顧子下淚抱乳久之又掇樹葉裹餘乳以飲子低徊不忍舍忽墮地而死獵者心動遂終身不復獵

仙人潭有巨蜈蚣吐涎如長虹掛石壁上是年遂有大水其水之大小視涎之高下如則而止康熙丙申乾隆丙寅涎最高云

藍田朱謙嘗過九宮山遇驟雨臨溪見一僧招之曰急渡謙從之甫登岍水大至及踵疾趨得免其僧不見謙子方七歲是夕夢有僧脫衣難覺白於母及謙還詢之果如所夢

坊市汪之東一名乾山長於詩畫歷參南昌南康二郡椽

兩太守皆愛其筆墨稱白今之摩詰流也年四十卒
昇仁鄉聶允元以諸生入大學善琴每於山樓月夜彈之
音韻幽絕聞者以爲鶴唳近年屋後掘得一石床古質
蒼潤相傳爲允元故物蓋已二百餘年矣今藏太學林
材順家

黃茅尖在縣西數里山頂有廟祀盧仙姑廟前有古柏千
餘年物也相傳仙姑手植雍正末一夕枯落殆盡至乾
隆乙未忽發新葉嫩枝柔條葱蒨如故

周中峯墓碑爲人掘置池口陰覆其字一日婦人坐碑上
浣衣歸病且危有神降於庭曰而辱周進士罪不宥家
人惶恐稽首請罪不知所爲已而降神者忽奔池上肩
碑疾馳插於山上乃見其字中有貢禮部周中峯墓七

武甯縣志

卷四十四

軼事

七

四百二十七

大字上闕數字旁有少中大夫江南諸道御史臺治書
侍御史王家綸題二十字

乾隆丙寅大水甯州漂樓屋過縣南門時方漏初樓上燈
燭煌煌呼號乞救兒女啼泣聲不絕迅濤飛射不知所
終

某鄉有婦不順於姑姑白於子子頗護之婦益詬厲子不
能禁姑老且瞽婦以殘食餉之既死婦猶讒姑短一日
雷電繞室猝夫婦跪堂上良久子甦忽挈婦於姑塚旁
擊死

國朝水災莫甚於康熙丙申其次則乾隆丙寅兩水之發皆
在五月朔日相距三十年時刻不爽

朝廷軫念民瘼例得報災兩次皆蒙發賑井里安堵不至流

亡亦藉賢守令之力爲多云

昇仙觀夜半鐘鼓自鳴聲振林麓睡者驚不敢臥少頃雷電風雨交作屋瓦丁丁然如有物負之以徙者天明雨止道士啟門則兩旁皆成溪矣時乾隆戊辰七月二十八夜

東鄉黎國寶常過僻谷孤舍見一僧坐堂上酣飲又室中隱隱有婦人泣聲旣行且暮黎語同行曰僧必有故盍往視之同行有難色黎乃獨返至則婦人赤縛榻上僧將據腹取孕矣黎叱之僧遁去婦乃得全

塘盤李名某將鬻豕屠者持金佑直約明晨屠豕去李置金枕下以事他出次日屠者至李妻往厨治湯屠者乘間入室攫金屠豕飄然竟去比李歸索金不見以語諷婦婦恚甚遂縊而死李大悔恨入城謀棺衾時日景正中天無纖雲忽霹靂一聲屠者震死跪於街側手持原金衆競取之力奪不解李至探手得金一時稱快

乾隆戊寅五月南鄉山中久雨水漲夜旣半驟入某棚舍室驚潰婦急不得衣走棚後坡上立水衝坡將崩鄰人有立隔溝上坡者呼之走婦慙不應鄰人曰急難之際尙何嫌疑亟踰溝走可逃命也引手援之婦堅拒曰吾不顧命矣言未畢而坡崩遂溺死邑人盧金鏡作夜大水樂府哀之

瀧溪今桑溪瀧音雙水之源曰瀧桑溪劉氏崩出劉宣義古碑有其先自德安遷武甯瀧溪本邑黃陂免解進士女壻余炳龍書訪之余譜竟無其人世之湮沒不傳及

傳而訛者大率類此炳龍字潛元

宋武帝時武甯楊歡妻姪女從股中生至齊猶在

見路史以下新增

高坪古樹長約十丈許大四十圍枝幹繁茂無花實歲二

易葉或至於三初葉圓如珪繼而上圓下銳其色碧三則奇出作鹿角狀其色紅雖博識者不能名爲何物也

宋黃山谷贈邱十四郎墨跡相傳雍正間分甯陳步廬得

自都門後爲鄉人劉墨莊購去旋歸邑程盟山家因

爲刻石粵西石儀亭宰武見揚本索觀手稿愛而欲留之弗獲既調任玉山復遣伴贖書以請程氏子式故與

石善舉而畀之惟石刻今尙存

嘉慶戊辰九月十三日午雷擊太平宮前銀杏遂焚越三

晝夜而熄灰燼中有骨約數石觀者麋至舐之粘舌乃

武甯縣志

卷四十四

軼事

五

四百六十九

羣拾去

鳳溪有公母樟樹二株循溪而上二里許曰港下有連理

樟樹二株樹隔深澗澗東者大二十餘圍一根自上橫

亘跨澗石橋倚焉一根自水底斜度與澗西連高大相

埒叢柯交互如翠蓋數百年物也

張鈺貴溪人道陵五十九世孫嘉慶丙子冬奉檄抵武甯

過篤溪俯江樓道經曲池七姑橋橋下水深丈餘初有

魚長數尺圍圍然泊岸見者捕之魚或遠或近誘至深

處捕者幾瀕於危遇行人救之半晌方蘇鈺書符投之

魚怪遂絕

鳳溪石陂堰灌田三千餘畝其堰湍廣可數畝每遇旱涸

照下蔭上法輪流車堰日間車淺夜半輒漲每車至四

五日有二大魚出游必滂沱大沛屢驗

陳奇文順義鄉地平生以濟人爲心康熙丙申歲三月雨彌日水驟漲泊河廬舍飄拆殆盡先是奇文結茅棚數椽於高阜造竹筏治火具人求其故曰爲此以防水之不虞也族里咸笑其迂一文水暴至奇文以有備而免併得接其未濟者于是活人甚衆

柳山寺本悅仙院向棲羽流今爲釋子所居前有石門鐫七絕四章不書作者姓字詩云初日暉暉照翠苔庭前昨夜碧桃開一簾香霧微風動知是仙人跨鶴來深院棋聲日正長博山添火蒸沉香道人鞭起童行雨帶得東潭水氣涼天院涼風似水流山中瑤草不知秋黃庭讀罷無餘事鉄笛一聲閒倚樓養就還丹不怕寒獨騎

武甯縣志

卷四十四

軼事

三

四百十九

黃鶴上雲端笑談若得天家雪散作琪花滿石欄世傳爲山谷詩按宋嘉定時紫清真人葛長庚嘗登是山爲李太亞作湧翠亭記今玩是詩筆意似與記相類殆爲長庚所作歟惜無紫清詩文全集可証也

瓜源燈盞塌有石盃大如盆水清盈四時不涸遇大旱土人禱雨甚驗

北鄉湖灘湯子洪與太平山章真人友善一日真人訪公散步大壠裏真人曰此地有甘泉掘之可給數百戶之需隨束茅爲記後子洪於茅下掘丈許果得清泉冬溫夏涼味極甘美天將雨嘗有五色雙尾小魚浮遊水面後裔輝南奇之瑩石修理至今利賴焉

瓜源洞口巉巖崒嶽下臨深溪里人向以纜引橋相續度

之曰弟橋至今遺跡尙在乾隆五十八年龍溪寺僧雲
濤募金開鑿層崖沿溪修磴盤紆里許卒售已產益之
工始告竣爲碑四座鐫樂捐者姓名標西域佛國篆文
於首邑廩生舒以長有記見藝文

碧田河橋高二丈有奇行人失足落水無或傷者聞生員
王翰余凌霄監生余廷瑞等議修之日適有老翁科頭
垢面向索筆硯書良辰黏壁上衆始允之尋質之諸形
家莫敢異議累石爲基水涸兩月咸擬之洛陽神課云
道光十四年夏早相傳觀風山最高峯有大白蛇每遇雲
起出而吸去匝月後大雷電繞其峯七晝夜草木俱燼
蛇遂絕

道光己亥庚子間邑多虎患下南冲有柯際智者夜持木

武甯縣志

卷四十四

軼事

三

四百九十四

楛引數猛犬逐獸至馬脊坂見一大獸在田犬直前爭
噬際智奮楛連擊而斃負之歸去毛煑食舉家數十人
皆飽越三日藥商至其家見餘爪曰何時獲虎骨何在
曰吾以爲田豕嗜肉無餘骨盡在犬腹矣藥商惜之

嘉慶中馬脊山居民柯勝儀於雨後出獵山半遇大雉立
石上屏息窺其後每一鳴則一聲雷動一朶雲起頗以
爲異遂發火鎗殺之烹一晝夜肉硬不可食

十二都甘泉觀門外有晉朝柏樹兩株相傳明時邑令某
命伐爲竅木道人泣訴於神忽疾雷一聲皆自未至本
中分爲二令駭而止至今葱翠鬱然

十三都北山下柯際志妻劉氏家世貧乏志備於族人兩
多病氏屢求曰者推命皆云夫婦命不俱存氏隱憂于

中日承歡姑氏不改其常道光乙巳正月廿日姑卒志
病如故氏待至三月廿日登樓自縊志果病愈事與府
志廿大憲妻龔氏相類紀之皆賢其愚也

錦雞石在四十都相傳有錦雞時見道光二十八年夏四
月某日晨雷雨交作有一聲唱曉之勢雨後視之石上
留指爪痕深寸許

葛挹風字睇明羅溪人性平易無疾言倨色胸中涇渭炯
然讀書淡於科名舉鄉賓不就蒔花養魚悠然意遠善
書求者輒錄先賢格言以應課讀之餘與耕夫言孝弟
親切有味父老皆尊之爲師云

三港口滙諸溪水遇有雨則澎湃奔騰逾時始退霞港藥
美文弱冠時甫半濟被漂去里許恍惚有神擁之登岸

武甯縣志

卷四十四

軼事

三

四百八十五

人以爲先世有隱德也

道光己丑安樂鄉廣福寺僧某嘗於秋夜偕一牧童驅害
苗之獸時雲深月暗忽有一獸抵前舉棒擊之獸大吼
一聲捧折牧童驚仆於地僧進以短棒擊相持半晌獸
竟斃尋欲與牧童負之去重甚始歸邀眾僧至其所天
已明矣有老僧識之曰此豹也於是觀者如堵莫解其
得之由後聞徙建邑桃峯寺亦嘗獨斃一虎云

江豚產彭蠡大江不入修水道光某年月日見於縣東渡
口旬日不去時浮水面城鄉男婦往觀日以百計漁人
聚小艇數十截流圍之不獲次年五月十三日二十五
都某獲於社埠重八十觔以獻縣令給金賞之

癸未年五月分甯發蛟有與年豐鄉界某氏女字下流某

氏子請期備奩資有日矣水漂女宅女抱一箱浮水面順流見一人持長竿取水物女號救其人取箱棄女既而女得不死及嫁女人婿房則箱在焉詢諸姑告之曰而夫上年大水時所獲也女恚甚誓不與爲昏而去又某年北鄉積溪山蛟水暴發農人某耕港畔水驟至登大檀樹避之蛟過樹塌隨蛟順流抵建昌見蛟在柴薪屑木中蜿蜒作勢時隱時見其人皇慙伏樹不知所爲尋泊岸得免

南鄉坪原旌陽廟右側地名黃家巷有大石四枚其形象鐘鼓棋牌又三溪石橋下有銅鐘一面鐵劍一枝兩岸古樹數株環抱左右

熊松山名棄夫南鄉凹坵人讀書能文字解八法教人執

武甯縣志

卷四十四

軼事

三

四百七十九

筆結構井然訓童子口講指畫疏淪性靈無學究迂腐氣年屆七十囑其子曰某月日時吾死及期無疾怡然卧戚友兄弟妻子俱侍乃娓娓道其生平并道其名棄夫之故遽問子曰夜如何未應嗒然思瞿然起曰此其時也大笑而終

戴冠元字文冰號帶圃南鄉瓶源人早歲失恃事繼母以孝聞天資遲鈍勵志於學窮年手不釋卷家資乏處之晏如也某年嘉平之晦有索負者踵門聞冠元披書坐誦聲甚鉅而噤以殺疑以爲哀號也駭而去食餼後及貢期先一月而卒著有帶圃文稿待梓

李承育字浣澗號宜圃國學生北鄉建富人祖又自由邑廩生舉鄉飲介賓承育復膺舉如其祖爲人質直敦本

常改厝先坐見白蟻浸棺泣曰汝食吾先骸骨吾且食汝人慮其毒沮之承育嚼咽數十無恙前令尹公作翰榜邑中有品士方瀚費鍊華潘首呂等十二人爲邑儀望承育次焉嘉其有不由至之風也著左傳淺說待梓太史李儒郊爲之序孝廉查星渚先生爲正誼書院山長見而跋之卒時年九十有六

北鄉東坪黃沙溝陳思貴妻劉氏年六十餘死葬十四日矣無何叔死術者以嫂葬所有煞犯令改瘞之至聞有聲自墓出啟之果蘇後踰五十三日死陳故貧家棺皆縫裂無灰裹以草又築之不堅故得蘇蘇時饑則掘草以食事在道光己亥年又大嶺下一李少婦旣棺其母來哭聞棺中呼母聲急出之後年至八寸嘻尸未冰而渴殯者可戒也

武甯縣志

卷四十四

軼事

二

四百八十五

彭尚輿明嘉靖北鄉二十七都破境人道光乙巳年里人治玉清宮於隱處得一舊楹聯板字跡未湮歎識破境信官彭尚輿獻後查彭氏墳果一官也相傳明時有彭太監居彭家墩現有羅漢松樹二三丈高其花園中故物也墩距破境蓋僅數武云

年豐鄉車湧瑞柏樹下人行介而心慈新建李某家分甯湮於水存十歲孩憐之如已出爲積銀三百餘送歸嘉慶十七年大饑平糶復代貧轉質廣治蔬田以繼不足僱工互販虧錢百餘緡湖北災民病不起者六人甦以米藥給資回里醫固其素業云

七峰張秀才居山性關節老遇土木像輒毀之西北

淫祀聞張秀才至則匿像於室往往搜而毀之又性迂
嚴每妻子有過則臥床不食數日必待妻子跪床前悔
罪乃食嘗曰刑於寡妻大難也然好遊山制小車可陟
降不顛仆遇好風日則乘之遊至暮不倦云

丙申大水寧州一女子坐床上汨楊柳灣手提囊金呼漁
舟救漁人給令擲囊竟推其床汨浪去後得金搆屋立
焚且顛沛死

國朝水災莫甚於康熙丙申其次則乾隆丙寅兩水之發
皆在至月朔日相距三十年時刻不爽

張鈺貴溪人道陵五十九世孫嘉慶丙子冬奉檄抵武甯
過窮溪俯江樓道經曲池七姑橋橋下水深丈餘初有
魚長數尺圍圍然泊岸見捕之魚或遠或近誘至淨處

武甯縣志

卷四十四

軼事

二十四

四百九十九

捕者幾瀕遇行人救之半晌方蘇鈺書符投之魚怪絕
王叔怡龍鬚人嘗入深谷遙聞鼓樂之音旬然振林大肖
逼見數道士列几具供饌若禮壇者叔怡叱之皆逸去
惟餘酒杯三枚後以此杯注酒祀神甫注一杯雲霧頓
起堂中數人不辨面目此杯至今存焉叔怡儻有俠
氣力善丹青筆墨所留人皆寶貴

長墅源里民余輿昭嘗與星子縣某同行某病革告以所
往并屬銀千餘兩尋歿昭請地方守其屍而自攜銀代
官昭以銀獻久之某家人至歸銀毫無苟且乃白其事
得脫而未嘗以語人也前正誼山長查公振旃爲星子
人具狀以聞邑侯陳公雲章訪得之因贈匹夫慕義額
戴守文昇仁鄉人居鄰富川家小裕樂善而不競於名其

子授州同職顯光邑庠生占魁孫候選衛千總鴻勳候選縣丞咸章皆慷慨好義克承先志如顯光修武興界道路橋梁費二千餘緡借謝炳然建小賓興館費一千餘緡曾未對人一言若無是事者然

按軼事係奉新頒條例始易前志雜記而爲之者覽其事蹟多忠孝節義彬彬有文之士亟應概爲提出藉以別真品而發幽光惟前徵旣杳考覈爲難除將其間見聞甚確如董慎菴程茝房盧琳葉穎函盧元璧張玉山六人提出別登餘俱未敢臆定畧爲類別姑仍附軼事焉

軼事

文士

吳祐字漢卿號節山坊市人以歲貢任江蘇嘉定縣主簿

武甯縣志

卷四十四

軼事

三

二十五

四百七十一

蒞官三載解組歸琴書之外別無長物士論高之姪吳宗周由選貢任南直應天府教授宗儒爲名下士馮志稱其博通古今士林翹楚宗周與邑孝廉方繼懋友善爲諸生時讀書鹿洞洞田半爲土人占隱相與清出田數十頃見鹿洞志前明隆慶間邑令胡東陽聘祐主修縣志爾公協理悉心蒐羅規模大備而祐伯姪弟兄人品學問一堂濟美時稱爲三吳云

文士

登高山李斐字浴菑後街張達源字放泉均邑諸生年相若少同師事學博盛鍾靈爲文清新奇特一洗卑靡習氣邑前輩余北部盛明經咸許可之斐性耿介不喜豪華鄉里子弟有拂意者面叱不忌源稍純和而賦性冷落憂憂獨造然皆困於場屋抑鬱數十年喜酒相遇輒

飲飲輒醉稱莫逆交杜工部所謂酒中仙殆其人也
葉蘊字宣露一字遠山歲貢生年豐斜石人與兄廩生葉
蘭弟歲貢生葉藻優增生葉蕙姪增生葉鳳翔一堂師
友更迭唱酬遠山尤灑落豪放不羈每啣杯於瑞芳園
拈韻弄毫相與酌江山之秀甫得一紙門下生輒取去
已而散失詩文而外凡晉接者導迎善類書味盎然蓋
莫不佩其世德云 文士

傅翌商字湘琴一字賚軒廷試進士年豐石坑人形癯如
鶴坦然無城府文尚高華授徒稱善誘鄉文社極力經
紀獎成後進邑太僕盧容菴深契之延課孫曹以遠大
相期許在都三年歸與弟優增生傅美商講學篤行益
自下爲善益不足蓋其學日進而心愈虛如此 文士

武甯縣志

卷四十四

軼事

二十六

四百九十五

葉有聲字響珮號駿齋南鄉下垵人歲貢生秉性樵魯能
自刻苦成其性詣文章不苟爲時尙教諭項典軒評其
文爲一邑望肄業豫章友教兩書院方伯陳笠颺重其
品學賞書幣聘爲西賓辭不就在鄉教授二十餘年從
遊者多所就進焉 文士

柯愈達字先柏學者所稱惺廬先生是也居羊腸之巔采
葍穫粟皆誦九經文心有所會則輟工微笑年逾三十
人無知之者同時劉萼說名噪一郡睥睨士林絕少許
可偶於普安精舍見其詩文驚爲奇男子寄書數百言
訂交復親至山舍賞其論說浹辰結姻而還由是從學
者口集每講經史繪古人立言之神一堂無歧念夢說
偕之就試再蹶不出耕如故有族子某招肆一廬竟歲

獲二百緡又惡達之分也謀獨有之達遂不取一錢飄然去人問焉笑而若忘居恒多喜色嘗有楚名士柯勝典汪越疑其所學乃藍縷闕諸室見方食半菽點頷愉愉適瑞昌汪生入問方卯之聞曰誠有之破當無黃二名士不禁粲然達徐檢成丁百鳥志與之閱始慙謝士南鄉羅穆美鬚髯工詩授徒夏庄作九子吟愷切悲惋嗚咽欲絕遂得病翌日筍輿舁歸病月餘復起乘輿往夏庄與九子暢談古學大白三浮曰吾不復來矣遂歸是夕竟卒卒時口占新句云學不到神仙何處容吾武能詩軼事義士孝友義行

宋景定時余榮叔家巨富有幹才能辦國事遇寇警朝命

王珏出征軍需不給榮叔傾貲助事聞予以官不受上

武甯縣志

卷四十四

軼事

二十七

四百九十五

益嘉之召見賜宴勞復寵以詩歸老昇仁鄉沒年八十有奇在元至正己丑歲詳見元譜今其後裔吏員一棟呈先朝舊牒洵堪徵信故錄之以示勸云義士

上都余文行幼孤明末賦重力不支將避地以圖存臨行老僕有仁年七十餘匍匐下泣曰幼主有老母在義不可去余曰大尹徵求峻急鞭撲之慘女主人不能受也僕曰吾聞大尹雖峻於刑然立斃一命怒應少弛幼主人能留老僕不敢自愛其死眾皆壯之且疑之後值較期僕竟往尹大怒杖之百僕俯首受不發聲尹曰何物老賊敢強項乃爾僕曰非強也代幼主受杖出於至誠不敢以呼號之聲上瀆大人尹詰之僕且以告尹爲出涕曰此義僕也命之起厚卹之後尹雖盛怒見老僕

卽霽顏所解救無不獲免文行家竟賴以全義僕

王國珊明末富俠遭鄧雲龍亂夜縋城請大兵誅討卒爲雲龍所殺比葬家人具十二棺置疑塚於藿溪山相傳棺內藏金有閩人夜往發塚竟死其處珊碣頭人雲龍嘗脅以僞劄不受真義士也義士

盛兆基坊市人博覽羣書通曉大義父病痺數載服侍不離左右父歿奉母尤篤無何疾作自知不起命妻子曰吾不能侍老母餘年罪莫大焉死必以斬衰加我身否則目不瞑矣妻子如其言於同懷兄弟八人皆怡怡然有無相濟胞姪翹自諸生選拔貢入成均每試必優與資斧族隣貧乏者亦周卹不吝年未及中壽而歿人咸惜之孝友

武甯縣志

卷四十四

軼事

三

四百九十二

程永川年豐鄉南坪人性孝友兄緣事戍黔永川從之往徒步三千餘里蒙犯霜露足指皆裂至數月歸告兄平安於母以慰其心已復往省數次有女兒嫁於龔夫死于喪四孫皆幼而厚於貲永川爲之經紀出入絲毫不苟貲遂日拓居十有三年龔孫長告歸龔具二百金爲壽永川曰吾爲爾祖孫寡弱而來豈圖厚報耶麾之不受孝友

盛遇楨字樹芳江陰鄉人生性樸訥足跡不履城市躬耕養親能盡子職母歿繼母氏石後其父數十年卒楨侍奉不懈弟遇楠早喪子女皆幼教育嫁娶如已出家無厚產每歲施穀若干石於養濟院命後裔垂爲定額孝坊市盛瀾瀝爲人豪俠不治產揮灑如意善岐黃得針灸

秘傳手至立效每出金製藥餌不計值人爭重之一時
自丞尉以上皆與濬作布衣交獨於邑令王掄士厚且
久未嘗干以私令益敬濬濬如故後令以帑虧被議卒
於甯旅櫬寄蕭寺窘甚家屬累焉濬力爲經畫彌補如
令在官日及歸復贈百金邑人咸高其義云義行

葉萬軒號情田廉村人性慈厚其族戚某無以爲昏代變
所有以權子母至昏日盡出畀之丐民有病者市藥以
療其妻盧氏親爲之前年五十病革語盧曰我死券中
錢穀若干其貧難償者焚之盧從其言今其孫飛鵬庠
生立生監生人以爲積善之報云義行

長樂鄉余汝錢字定谷性淳篤有孝行童時失怙痛哭不
食者數日母患頭疾三年醫藥罔效錢至誠愷惻奔走
數百里禱靈神獲愈後病復作垂危舉家惶惶失措錢
焚香禱哭剗股肉和藥糜進母遂霍然而起曰方夢見
閻君謂我數盡念汝子苦孝當延一紀逾年果如所夢
亦足以見匹夫愚誠感應不爽云孝

魏子元字汗崖南鄉磊石人父早世事母氏張色養無違
母沒廬墓三年兄弟孤貧撫養成立且修理敗塚倡建
橋路甚夥夫婦皆上壽而卒次子兆芴監生孝義

花棚柯性剛少孤以采苓爲生供母後遇異人傳得外科
秘方所用刀藥皆奇驗性至孝爲母祈年食長齋人號
曰柯齋公及母患癱症剛親侍膝下任求醫者皆不出
度其可返而後去有富人以重金要致百里外剛辭親
友勸之行剛曰吾舍母吾早以技致富矣卒不往孝行

昇仁鄉柯懽劉才招少孤貧體羸不能力作母余氏老而
痿足招襁負於背至人村前位母籬落間叩門乞食有
所得必先以進母而後自食其餘二十年無倦容追母
益憊乃寢之於牀乞米數合卽歸具盤殮獻上日數往
返已不療饑如是又四年母九十有二歲卒典居室營
墓營齋哀毀骨立未幾亦卒孝

張亨鍊安樂鄉曲池人幼孤一兄早卒貧不能娶母劉氏
目盲早衰艱於起居每日扶負端坐自出外覓食歸以
進之雖盛暑嚴寒必保不餒夜伴之寢凡溲溺抑搔悉
細心體察老患哮喘疾力難任勞究於左右無廢事性慤
直不善輒語至母前則下氣柔聲依依孺慕數十年如
一日母年九十二卒擗踊哀號者歲餘葬後遇風雨必

武甯縣志

卷四十四

軼事

三十

四百七十

泣護墓所時已六十二歲後六年亦卒過其里者咸爲
惋悼孝

葉達爲字以書號脩圃邑廩生昇仁箸田人性穎異四歲
識字七歲能文事母孝母年逾九十達爲亦七十餘仍
作萊子舞衣之狀以取母歡笑家屢空乏不令母知曰
無使老年人生憂也素行廉介學問淹博學者多稱之
子鴻舉邑庠生孝

生員張必遂字用周坊市人少力學爲邑名諸生性篤孝
父喪未葬時康熙丙申邑大水水及厝室猝不及遷隣
里邀走避城北高阜處公偕陳孺人守死不去旋謀以
二鉅甃束棺夫婦哭伏其上少頃水大至高逾簷室壞
棺浮以載鉅甃故雖浮弗覆號救不絕聲望者以筏救

得免水罷既葬廬墓三年繼母王老病目公左右養悉如其父豫甯學租不給公欲捐租以贖未果後人成之猶公意也厥後孫曾元輩成三進士居官清正輝映後先積善餘慶報施洵不爽云孝

胡廷厚江陰鄉長沙人家故貧以耕養親平生絕葷酒人問之曰願二老長壽耳每冬夜先以身煖父被父寢於母亦如之歷十餘年無或間娶室黃亦能曲體夫意親歿夫婦哀號失聲既葬廷厚攜草蓆宿墓旁者各數月草野愚氓至性如此其殆得天獨厚者後數年無子廷厚歿人爲之嗚悵孝友

均下職員葉啟字懿谷號錦峯積學未售性樸邀喜施與嘗置棺木百具以恤窮死者又修本境路費二百金里

武甯縣志

卷四十四

軼事

三

四百七十六

人以負其貲故欲鬻妻以償啟止之焚其券年八十四而卒子余芳監生孫顯翰庠生義行

上都余宙明性至孝力農灌園以備色養其父老病閉結不能如圓明手爲疏導燥糞者十餘年孝行

劉思禹字紹明號敬山昇仁上洋湖人生平勇於赴義食力省垣見武邑漕倉在貓竹架下江水激蕩次船多傾覆之患乃於康熙初年捐貲改建惠民門外之套內不惟漕船安穩卽各舟維泊亦永避風濤然其時爭者輿訟思禹雖理直得伸而竟以是焚身邑人士感其義祀主倉中每歲共出米若干石酬其嗣裔曰跳板米義俠

軼事 割股

李美斯年豐二十八都上墩人資稟穎異樂就文士相講

習敦手足誼弟煥佩罹重疾焚香靜夜割左股肉以進事屬割闔而友于之愛可謂篤矣

上南鄉坪原周必義之子榮良母張氏於嘉慶二十五年抱病卧床數月醫藥罔效榮良慕藏暗室割股和粥以進張病遂愈張後享年九十一歲榮良亦得年八十餘石鼓范賦煜少孤家貧傭耕事母能色養道光九年母病數月衣不解帶親侍湯藥病劇煜割左股食母少愈復割其右以進然母病終不起既居喪累日痛哭不食隣扶勸之始獲見創詢知巔末族諸生鳳翔作歌紀其事邑令給額獎之道光十六年其祖上濱病篤煜割股肉醫之如前

盛明錫故農家子秉性純篤事父母以孝聞道光元年父

武甯縣志

卷四十四

軼事

三

四百十八

喪哀毀廬墓三年比繼母張病危延醫不效錫割股和湯藥進遂愈既越二年張病彌篤錫又割股病尋復愈鄰感其誠孝動天沈疴若失爲鳴諸官咸嘖嘖稱道

下南陳延棫妻嚴氏姑病侍湯藥不得效嚴割股進乃効隣族爲之請 令給孝心誠篤額

南皋潘張氏職員躍龍媳姑邢病亟張割股肉和羹進遠愈族隣爲之請 令給孝行真誠額

桐林汪逢錦妻申氏輝彩女道光十年姑病篤申割股救之遂痊廩貢王佐偕族隣請 令給誠孝動人額

田李氏字阿雲貢生李蓋孫女幼歸田家貧侍姑病割臂以進事聞知縣尹作翰賜紀孝詩一時和響者衆刻有紀孝詩鈔又余賢孀妻盧氏精蘊女幼歸余道光元年

五月亦有刲臂救姑事與李氏同皆可紀也尹詩見藝文

年豐鄉車隆達柏樹下人女英秀十八歲歸徐正書逮二十四歲父病危急女在側聞割股可救遂入僻室刲左股肉和湯以進病立起獲痊有問之者女曰身體髮膚豈敢毀傷顧對此一息奄奄計無可出姑盡心力爲之耳其愚孝如此得之女流蓋亦難教諭 范贈有車孝女歌一篇見藝文

新增

胡少諳秉性耿介曹試屢列前茅不過嘗從人入大乘寺寺僧日慧憫其貧臨去私予之金少諳姑受而歸其後日慧死少諳已老乃拄杖入寺中以原金還其徒少諳

武寧縣志

卷四十四

軼事

三三

順義鄉三十五都人

劉五妹昇仁才耀女隨夫遷鄖西縣耀往視旋沒爲典衣建醮昇骨以歸後返鄖西越三日死

鄭開吳字衍強下南人少貧父客死長安強年纔十六齡隻身往昇父骨中途貨斧斷絕裹腹跣足行冰霜中趾拇盡裂血淋淋道上途人哀憐而與之食旅店投宿禁不得入強抱父骨宿簷下自陝抵家計三千里行月有餘未嘗一宵伏枕眠也以孫莫貴貶封奉政大夫

上南鄉一圓吳姓水口內有大石六座中一座較大石上古樹一株約二三尺根沒於石無縫可尋春夏不見生發秋冬不見枯萎詢土人云百餘年故物亦奇境也

生生石一名生孫石在南鄉毳浦其石上秀下豐周圍五

丈居人艱於嗣者生子多寄以名

曾承敏年豐人性鷺直躬耕養親咸豐四年父病割左股肉和粥糜以進尋愈越三年母病垂危復割右股今六旬癍痕猶在

徐時松年豐人家貧失怙隨母養於義甯州謝姓繼父病

篤割右股和藥醫治尋愈州牧陳給誼敦錫類額

李久璞北鄉人傭工以食道光己酉母逾六旬疾篤乃割其股母知之泣曰我縱死爾與偕耶璞曰母病不起兒何生爲其後母病尋愈

葉允新上南人父存性錄了凡功過格竭力奉行纂家訓八則教後人新佩股不忘父病彌留汗出如雨乃割右足股雜藥中後汗止病愈

武甯縣志

卷四十四

軼事

三四

×〇一

黃佐武年豐人服疇奉養母病慮其不治無計可施因效割股法以療之

陳文炳年豐人道光乙未祖病依依不離及大臻彌留割股和粥餌以進

陳拂雲下南人咸豐十年割股救母病邑令楊公給今之純孝額

杜華陸北鄉人性純實不食腥暈待人無機巧心叔父病割股和藥餌中叔母病亦如之

黃株下南人繼母病篤割股和粥糜以進尋愈父病亦如之

張顯亨北鄉人母病湯藥調治不效割股以進

徐必評妻王氏夫早故若節自持姑嘗病篤醫告術窮氏

急到股以進病尋愈人以爲孝行有感云

聶哲煬妻冷氏姑病篤割股雜藥餌月餘不死

陳相勲年豐鄉人四齡父才貴下世母氏張年甫廿四家徒四壁撫孤垂七十年無遺議勲性孝力田供職未嘗讀書知慕母諸妄曲承意旨循循起居寢食之間服勞奉養日念母艱難得以至今輒爲之依戀不忍置外大父貧且老無後勲迎之家十餘年以養以葬卒爲母各如禮終其事以去今母九旬餘勲亦年已七十依依膝下猶然老萊遺風時論節母有孝子云孝行

儒士李之靄北鄉人少讀書業岐黃有求醫者視先後請以往痊可不計值母氏黃患足瘡不履地者累月常負母徐行以活其血及膿潰以口吮之瘡尋愈嗣母癱疾

武甯縣志

卷四十四

軼事

三五

三十五

手足拘攣朝夕喂食浣垢裙歷數年如一日鄉鄰皆嘖嘖稱道云

黃梅嶺字省之號眉尹北鄉人父簡存家貧課子嶺體其志益力學母氏陳患痢疾醫者曰但嘗糞甜苦甜則難治梅嶺輒嘗之糞轉甜心愈憂戚朝夕禱天以身代及卒廬墓數月爲文有根柢凡四子書註解無不背誦如流年六十補弟子員著有忍說行世孝行

劉馨組字炯昂順義人幼趨庭怡色婉容悉如父意父病三月餘未嘗就寢湯藥飲食不假他人手母病亦如之母曰吾病纏綿醫勿良也盍購醫書以習之遂精岐黃著醫家秘旨待梓爲人以敦本爲務教授鄉鄰不計束修由諸生貢成均人咸稱之著有四言典要孝行

葉發柯年豐鄉人少孤婚娶成立皆出母氏性至孝家貧
慵於人有所得輒爲異糧甘菑以奉母歿草履麻衣飲
水歡粥及葬廬於墓側矢三年守之嘗雪夜霜宵漠然
寒山中孑身苦塊以伴不幸積憂成疾未竟其守而柯
且死矣識者哀之 孝行

劉良承號少堂昇仁鄉人少孤有至性嘗盛夏侍母寢帳
徹而穿公慮蚊啣母躬楮彌其隙母笑曰兒幼如是他
日當不貧矣居恒色養曲體親心追刻苦營生家漸起
雖伯仲析炊不私其財新第宅輒三分之其篤於倫理
類如此公長身修髯外和而內介平生以義俠自許如
建橋梁掩骼貶贈戚友極重賞不惜配張氏賢而早世
公總卅餘許媒者踵相接公卻之曰吾有子矣故劍何

武甯縣志

卷四十四

軼事

三十六

三十六

忍忘也聞者義之年八十餘卒 孝行

陳匯川名江居貧敦孝義母鍾氏卧絮稍薄江請易之不
可乃託爲母浣被陰以厚者納其中母臥月餘不知也
母嗜魚常力營以進母沒見魚輒思而泣某歲賊躡境
上有市布者以布二疋寄其家江爲藏之深莽度隔數
弓地結棚守之踰年客至舉而還他所行稱是年八十
二卒 孝行

張化光監生昇仁鄉人襁抱時父背稍長母述父生平輒
泣待母愉色媚容語欵行履未嘗有聲服勞不假他人
手母病衣不解帶食不下咽歿後每他出必至墓前稟
命歸必詳述如母在迄十餘載無少懈 孝行

魏子宜號羽吉上南鄉人年五齡父永適見背寡兄弟母

葉氏命之就傳讀書刻苦爲文多沈摯因母老棄舉子業理家政事必稟母而行建塾置學租百餘石延名師以督後曹性純厚於三黨尤篤外父葛先棕臨終托以家計權子母累數百金悉付外弟無纖悉苟且他如修宗祠建橋梁培古塚遇凶荒減價平糶值人紛難則代爲排解臨終有焚券之舉其行事多類此

葉許仁號厚齋廉村人幼孤有至性叔父召亭鍾愛之仁亦視叔猶父奉命唯謹召亭中年衰邁偶患偏墜症氣結不下疼痛甚舉室倉皇莫措仁獨左右撫摩之比迎醫至曰水道壅滯非藥力所能達也依法當以人氣通之始得痊而難其人仁奮然曰叔病若此雖粉碎不辭也如醫言病尋愈召亭卒以高年終

武寧縣志

卷四十四

職事

三七

劉承業號攀園監生安樂鄉人性孝友少孤服賈城市每歸少懷甘旨奉母兄兆祥性戇直每事必咨以行怡怡沒齒堂兄弟分爨久婚葬費悉資焉辛卯水災貸族人穀數十石不責償踵行凡兩次值歲荒必減價平糶里人贈義重鄉鄰額有舅母孀居子孫貧不能養迎至家供奉十餘年及歿喪葬盡禮一切任恤事多類此丙午歲出金千餘緡主修家廟勞瘁獨任而讓善不居生平與人無忤片紙不入公門每值義舉無鉅細慷慨捐輸不少吝尤重師儒堂弟舉人得珠孝廉方正貢生董振遣子世錕遊其門待以殊禮卒賴其力教成之義行

劉彥麟昇仁鄉人年二十六妻故乳其一歲兒於嫂偶加撫持不與嫂相授受寒夜圍爐有少婦輒退坐無幾微

玷行爲鄉里訾者里有爭端徐出一言皆帖服其信義有以孚於鄉也

義行

葉秉莖字海秋國學生上南鄉人事親以孝聞親歿字曰閱堂誌永感也學問淹雅爲文不苟合時趨尤潛心易理多所發明著有易經圖說待梓友教三十餘年邑南英俊多出其門有聰穎士貧將輟學者必委曲成之咸豐甲寅鄉里迭經兵燹襄辦團練不干名利人頌其高生平以維風化興文教爲務倡立惜字會及本族義學有序見藝文

文士

張尙銘字品渠北鄉烟港人爲人風岸稜稜不肯俯仰隨時有某依官吏勢傾一邑請授餐於家銘疾其爲人堅拒不往骨幹頗偉有大志終日憑几端坐無少歇者與

武寧縣志

卷四十四

軼事

三六

之言外間是非卽色變謝而起雖親黨不顧讀書每夕能入十藥不忘甫冠爲文英思壯采奪人耳目以郡院試第一補諸生已乃肆力天宗諸家董筱槎太史主講豫章驚其文爲西江嫡派後所詣日高則脫去樊籬宕逸有遠神矣疾作強支數月遂沒先沒之三日猶使門人陳昌言向人借江西通志年纔三十有六人皆惜之

文士

艾垣字慎微號維門邑庠生上南鄉人事母親有深愛每醵歸依依膝下未嘗片刻離後兄弟議析炊痛哭流涕力不能止爲減飲食者累日田園肥磽不計也性恬靜淡泊寡營邑侯朱公松齋每稱其人歲甲寅官弁臨田埧搜勦逆匪恐累無辜諭淮取保聞垣有清操保輒立

釋其人以財物謝却勿受其他育嬰堂惜字會賓興團
練相爲辨理授府知事銜子炳奎庠生綽有父風文士
柯燿號葵叔附生昇仁鄉人敦品立行性和以介平生喜
論史事談古津津誘掖後進如不及著古文四六各體
詩賦若干卷待梓歲戊申邑侯李公琴山延修志乘每
屬文汪洋浩瀚莫測津涯爲邑士人所仰子蘇邑廩生

文士

補遺

李枝煥年豐鄉人性孝力農養親母早歿季父母相繼歿
遺二孤幼無依父繼娶以撫之未幾父又歿極事繼母
左右無違母或怒負荆求責笑受母嘗愠其毒不令同
室遂獨宿牛樓三年至母說妻始孕育二孤爲母鍾愛

武甯縣志

卷四十四

軼事

三九

三十九

煥厚撫逾己子及析產復遵母命與以三分之一至今
里人教子者皆以枝煥能順親護財爲口實云
年豐鄉葉明蕃妻徐氏夫早故乞食養子姑死乞錢買棺
以葬及氏高遐齡孫曾林立家亦少有人以爲苦節之
報

張度號夢江北鄉人壽身闔閭數十年纖塵不染二十時
失偶一子纔三月有願妻度不計聘錢者卽婉言謝却
之其後終身不復娶李中丞續宜撫鄂時具書幣來徵
旣至代爲納粟以殊禮待之由貢生保授五品銜

汪式金號濟堂監生順義鄉人年廿一生子方週失偶不
復娶數十年無罅隙可議